

U sklopu projekta EWI - Economic Inclusion and Justice for Women of the Western Balkans (Ekonomska inkluzija i pravda za žene zapadnog Balkana), finansiranog od strane Austrijske razvojne agencije - ADA, sredstvima Austrijske razvojne saradnje – ADC,

organizacija CARE Balkans objavljuje

**J A V N I P O Z I V
ZA DODJELU GRANTOVA ORGANIZACIJAMA CIVILNOG DRUŠTVA AKTIVNIM U
OSNAŽIVANJU ŽENA**

Rok za slanje aplikacija-prijava: 17.04.2025. do 23:59 sati!

O PROJEKTU

CARE Balkans (CARE), u saradnji sa partnerskim organizacijama u regionu: ENECA (Republika Srbija), LINK Poduzetnički centar (Bosna i Hercegovina), Strategic Development Consulting (Sjeverna Makedonija) i Tehnopolis (Crna Gora) – implementiraju projekat **Ekonomska inkluzija i pravda za žene Zapadnog Balkana (EWI)**. Projekat EWI finansira Austrijska razvojna agencija (ADA). Ovaj trogodišnji projekat koji je u svojoj početnoj fazi, ima za cilj osnaživanje i ostvarivanje ekonomskih prava žena na zapadnom Balkanu.

Očekivani **rezultati** projekta:

1. **Poduzetnice u odabranim ciljnim regionima razvijaju i unapređuju održive biznise** putem finansijske i tehničke podrške;
2. **Povećana zapošljivost žena u ciljnim regionima** kroz razvoj vještina, certificirano stručno obrazovanje i obuke;
3. **Unaprijeđeno okruženje za ekonomsku inkluziju žena** na nivou zajednice i društva;
4. **Ojačani kapaciteti institucionalnih aktera** za integraciju rodno osjetljivih pristupa u programe zapošljavanja i poduzetništva.

PREDMET SARADNJE

Kako bi se projekat povezao s lokalnim zajednicama i omogućio doseganje najugroženijih žena, planirana

je saradnja sa iskusnim organizacijama civilnog društva koje vode žene i/ili koje se aktivno bave osnaživanjem žena na području Bosne i Hercegovine.

Ciljano područje projekta obuhvata: Hercegovačko Hercegovačko-neretvanski kanton (Mostar, Jablanica, Prozor-Rama, Konjic, Stolac, Čapljina, Čitluk, Neum, Ravno), Zapadnohercegovački kanton (Posušje, Ljubuški, Široki Brijeg, Grude), Srednjo-bosanski kanton (Gornji Vakuf – Uskoplje, Bugojno) u Federaciji Bosne i Hercegovine, te Republika Srpska (Grad Trebinje, općina Ljubinje i općina Bileća). Tri odabrane organizacije će ostvariti pravo na jačanje kapaciteta kroz **finansijsku podršku i treninge za izgradnju kapaciteta** kako bi mogle aktivno učestvovati u projektnim aktivnostima usmjerenim ka ženama.

ŠTA SE OČEKUJE OD IZABRANIH ORGANIZACIJA CIVILNOG DRUŠTVA?

1. **Zagovaranje i angažman u vezi sa ekonomskom aktivacijom žena na nivou zajednice u kojoj djeluju;**
2. **Implementacija terenskih aktivnosti** (organizacija radionica za žene i muškarce u marginalizovanim i siromašnijim zajednicama, mobilizacija učesnica/ka, praćenje rada (monitoring) žena uključenih u različite projektne aktivnosti);
3. **Povezivanje ključnih aktera i korisnika**
 - a. posredovanje između učesnika projekta i javnih institucija, uključujući zavode za zapošljavanje i centre za socijalni rad,
 - b. podrška integraciji rodno-osjetljivih pristupa u programe zapošljavanja i poduzetništva;
4. **Podrška ženama poduzetnicama i onima koje su u potrazi za zaposlenjem** (savjetodavna podrška, povezivanje, učešće na obukama za korisnice);
5. **Podizanje svijesti i transformacija društvenih normi** (učešće u aktivnostima senzibilizacije zajednice i promotivnim i info kampanjama);
6. **Pravovremeno izvještavanje o sprovedenim aktivnostima** (saradnja i povezivanje sa medijima, aktivno korištenje društvenih mreža).

KOJI SU BENEFITI UČEŠĆA U PROJEKTU ZA ODABRANE OCD?

1. **Finansijska podrška u iznosu od 10.000,00 EUR po organizaciji (ukupan fond na raspolaganju za 3 OCD je 30.000,00 EUR).**
2. **Obuke i unapređenje kapaciteta**
 - I. Četvorodnevna obuka o ključnim temama (saradnja sa zajednicama, zagovaranje, javni nastup, soft vještine, liderstvo i organizaciono administrativno-finansijsko upravljanje);

- II. Dvodnevna online obuka o prikupljanju sredstava, uključujući obuku za pisanje projektnih prijedloga i korištenje crowdfunding platformi;
- III. Online konsultacije s CARE stručnjacima za razvoj projektnih ideja i strategija finansiranja.
- 3. **Povećana vidljivost i umrežavanje**
 - IV. Veća reputacija kroz projektne komunikacijske aktivnosti na lokalnom i regionalnom nivou;
 - V. Povezivanje sa lokalnom upravom, donosiocima odluka i drugim OCD-ima kroz zajedničke aktivnosti i zagovaračke inicijative;
 - VI. Razmjena iskustava s drugim organizacijama u regionu (BiH, Srbija, Sjeverna Makedonija, Crna Gora).
- 4. **Praktična primjena stečenih znanja**
 - VII. Praktična primjena stečenih znanja kroz rad sa marginalizovanim grupama žena u lokalnim zajednicama na povećanju njihovih soft vještina;
 - VIII. Mogućnost učestvovanja u kreiranju zagovaračkih strategija i integraciji rodno-osjetljivih politika u ekonomske programe lokalnih zajednica.
- 5. **Podrška za dugoročnu održivost**

OCD koje budu odabrane za učešće u EWI projektu dobit će priliku za razvoj sopstvenih projektnih ideja i sticanje znanja potrebnih za upravljanje projektima. Također, ojačat će kapacitete za fundraising, što će omogućiti apsorpciju fondova s ciljem namicanja sredstava i nastavak aktivnosti nakon završetka projekta.

OČEKIVANI ZADACI ODABRANIH ORGANIZACIJA CIVILNOG DRUŠTVA

Odabrane organizacije će biti uključene u sljedeće aktivnosti:

Aktivnost	OPIS	Vrijeme implementacije
1. Trening za unapređenje kapaciteta (po 2 predstavnika iz odabranih OCD)	Odabrane organizacije će prisustvovati 4-dnevnom treningu (zagovaranje i prikupljanje sredstava, rodna ravnopravnost, ekonomska pravda za žene (WEJ), javni nastup, izgradnja tehničkih vještina, liderstvo...)	Početak juna 2025. god.

<p>2. Izrada plana aktivnosti i detaljnog budžeta za učešće u projektu EWI.</p>	<p>OCD će, u dogovoru sa CARE, izraditi detaljni plan i budžet za sprovođenje svojih aktivnosti na EWI projektu, na osnovu kojeg će, nakon odobrenja CARE-a, dobiti finansijsku podršku (grant do 10.000 EUR).</p>	<p>Do sredine jula 2025. god.</p>
<p>3. Informativna kampanja za najavu podrške osnivanju i razvoju poslovanja za žene (cilj je mobilizacija 120 potencijalnih korisnica)</p>	<p>OCD će pomagati u sprovođenju kampanje kako bi informacije o podršci potencijalnim korisnicama došle do što više žena u zajednicama, uključujući marginalizovane i osjetljive grupe. Organizovat će info sesije u zajednicama, dijeliti objave na društvenim mrežama i web stranicama.</p>	<p>Kraj augusta – sredina septembra 2025. god.</p>
<p>4. Informativna kampanja o raspoloživim VET obukama za unapređenje vještina i kompetencija žena (cilj je mobilizacija 75 učesnica koje će proći VET obuke)</p>	<p>Organizacija informativnih sastanaka u lokalnim zajednicama. Mobilizacija potencijalnih učesnica.</p> <p>Objave na društvenim mrežama i web stranicama OCDa.</p>	<p>Januar – jun 2026. god</p>
<p>5. Podizanje svijesti i obuke iz soft vještina i digitalne pismenosti za marginalizovane grupe žena (cilj je mobilizacija 750 žena kroz max. 37 sesija)</p>	<p>Ova aktivnost će omogućiti marginalizovanim grupama žena iz ciljnih područja da steknu osnovne vještine i samopouzdanje za jačanje svoje socio-ekonomske uključenosti u digitalno doba. OCD-i će organizovat obuke, koristeći znanja stečena kroz projektne treninge, kako bi ženama iz lokalnih zajednica prenijeli informacije o pravima žena (pravo na rad, imovinska prava, dostupne usluge za zapošljavanje i razvoj biznisa).</p> <p>Također, mogu uključiti do 10% muškaraca iz domaćinstava žena, kako bi se jačalo razumijevanje u zajednici i stvorila podrška za ekonomsku aktivaciju žena.</p>	<p>Jul 2025. – do kraja projekta</p>
<p>6. Rad u marginalizovanim zajednicama na ekonomskim pravima žena (svaka OCD</p>	<p>Odabrani OCD-e će organizovat dijaloge u lokalnim zajednicama sa marginalizovanim grupama žena. Sesije će uključivati žene,</p>	<p>Do kraja 2025. godine</p>

organizuje pet sesija za max. 30 učesnica/ka).	muškarce (uključujući članove domaćinstava), mlade i tradicionalne zajednice, s ciljem diskusije o ekonomskim pravima žena i rodnim normama koje ih ograničavaju.	
7. Zajedničke sesije o finansijskoj pismenosti za marginalizovane zajednice (svaka OCD organizuje po dvije sesije za max. 30 učesnica/ka)	Organizacija sesija finansijske pismenosti za žene i muške članove njihovih domaćinstava. Mobilizacija učesnica/ka. Sesije će razbiti rodne predrasude i učiti učesnice/ke budžetiranju, štednji, investiranju, kreditima, planiranju porodičnih finansija i ekonomskim prednostima ženskog zapošljavanja i preduzetništva.	Do kraja 2025. godine
8. Informativna kampanja o problemima u pogledu ekonomske inkluzije žena	OCD će sarađivati u kreiranju promotivnog materijala koji će biti kreiran na EWI projektu, uključujući priče o uspjehu, medijske i digitalne sadržaje. Također, očekuje se da OCD podrže projektni tim u toku izrade dokumentarnog filma, koji će prikazati uspješne poduzetnice i druge učesnice/ke projekta.	Tokom 2027. godine (treća godina implementacije projekta)
9. Prikupljanje podataka i praćenje projekta	OCD će biti obučene za prikupljanje podataka i pravilnu primjenu metodologije praćenja i evaluacije projekta.	2026. i 2027. godina
10. Regionalna konferencija o razmjeni rješenja za prevazilaženje društvenih i institucionalnih prepreka za žensko poduzetništvo i zapošljavanje.	OCD će sarađivati u organizaciji dvodnevne finalne konferencije projekta.	Jun – Novembar 2027. god.

Napomena: finansijska podrška koja će biti dodjeljena odabranim OCD-a će biti usmjerena na interne troškove organizacije nastale sprovođenjem projektnih aktivnosti. Logistički troškovi aktivnosti će

uglavnom biti pokriveni projektnim budžetom EWI.

USLOVI ZA PRIJAVU

Na Javni poziv se mogu prijaviti OCD koje zadovoljavaju sljedeće kriterije:

1. Organizacije vođene od strane žena i/ili koje su programski usmjerene ka osnaživanju žena, aktivne u gradovima i općinama/opštinama: Mostar, Jablanica, Konjic, Prozor-Rama, Stolac, Čapljina, Čitluk, Neum, Ravno, Gornji Vakuf-Uskoplje, Bugojno, Široki Brijeg, Ljubuški, Posušje i Grude, Trebinje, Ljubinje i Bileća;
2. Registrovane minimum 3 godine kao udruženja, sa aktivnim statusom, organizovane na demokratskim principima i sa transparentnim djelovanjem;
3. 100% u domaćem vlasništvu;
4. Ostvaruju pozitivno poslovanje (iskazana dobit za period 2022-2024);
5. Iskustvo u ekonomskom osnaživanju žena i drugim aktivnostima podrške ženama;
6. Njeguju rodno osjetljiv pristup, kao i pristup zasnovan na zajednici;
7. Imaju prethodna iskustva u radu na donatorskim projektima, projektnom narativnom i finansijskom izvještavanju;
8. Imaju iskustva u organizovanju i vođenju radionica sa ženama u lokalnoj zajednici;
9. Imaju kapacitet za mobilizaciju učesnica iz lokalnih zajednica, uključujući žene iz osjetljivih, marginalizovanih i teško zapošljivih grupa;
10. Imaju operativne kontakte sa lokalnim vlastima i institucijama i pozitivan odnos sa donosiocima odluka na lokalnom nivou.

POTREBNI DOKUMENTI ZA PRIJAVU

1. Popunjen aplikacioni formular EWI projekta – PRIJAVA;
2. Dokaz o registraciji;
3. Statut organizacije;
4. Bilans stanja za prethodne 3 godine.

ROK I NAČIN ZA SLANJE APLIKACIJA-PRIJAVA

Zainteresirane organizacije civilnog društva dužne su dostaviti popunjenu aplikaciju zajedno sa traženom dokumentacijom najkasnije do **17.04.2025. godine do 23:59 sati, isključivo elektronskim putem, na adresu: ceric@care.de.**

U naslovu e-maila naznačiti: **Prijava za dodjelu grantova – EWI.**

FINANSIRANJE PROJEKTA

Grant za sprovođenje projektnih aktivnosti bit će realizovan prema dinamici aktivnosti definisanoj ugovorom. Od odabranih organizacija će biti zatraženo da potvrde prihvaćanje sredstava i trošenje istih prema planovima EWI projekta, CARE i donatorskim procedurama, kao i domaćim propisima, a odnosi na projektu bit će regulirani ugovorom sa CARE-om.

PROCES PROCJENJIVANJA I KONTAKT ZA INFORMACIJE

Organizacije će biti obavještene o Odluci komisije za ocjenu aplikacije putem e-maila.

Sva eventualna pitanja i potrebna dodatna objašnjenja se mogu uputiti putem e-maila na ceric@care.de, najkasnije do 10.04.2025.

Planirana je i online info sesija **07.04.2025. godine u 14:00** putem Teams platforme. Zainteresirane OCD-a trebaju **popuniti prijavu za info online sesiju** putem sljedećeg [Link za prijavu](#). Na osnovu ove prijave dobit će informacije kako da pristupe sesiji putem Teams platforme.